

卷九

張右史文集卷第二十七

絕句詩

寄都下舊友

一別長安西復東
琵琶舊地已應空
當時風景遍何處
湏信人生是夢中

又

城西古地昔同遊
望月思家相對愁
明月秋來應更好
何人看月又悲秋

秋思

故人陳跡生蛛網古殿苔深疊綠僧簷雨晚
秋鳴槁葉窸風深夜觸孤燈

魚蝦相望

悲歡回首兩茫然幾別龍門又半年應是日
時歌舞處和風開凍一層天

贈月殊有春意

一夜長風無片雲曉來風動似初春應知春
近催飛李更有輕寒不着人

又

拂檻垂楊雪後青誰家朱閣曉來晴拂簾動
暮無人解光把春愁寄有情

送李十之汴府

斷蓬泛梗偶相依一別重逢又幾時人世悲
歡消遣盡為君流淚霑衣忽

送客愁

數星點點間微河城上三更掛影蹉霜落夜
深風悄二月明無限客愁多

夜坐

半消爐火夜三更欲滅青燈暗又明閉戶無人
瞑目坐此時一念悟浮生

余向集賢殿試罷寓居京師常遊西岡錢昌武即中之第時同會者河東柳子文典錢氏三子夏中余出京今才半年而昔日所遊者或東或西有不知所如者古人所謂悅仰之間已為陳跡者歟夫求昨日之我於今日終其身而不得况偶然相值聚而旋

散者歟追記春睡詩一首乃寓錢第所為者

東風冷峭著衣寒雲影陰沉美睡天青杏園
林花落盡晚風吹雨濕鞦韆

上元都下

淡薄晴雲放月華晚粧新暈臉邊霞管絃接
上爭酤酒巧笑車頭旋買花

又

驕馬金鞭白面郎雙鬢小女坐車箱輪聲轉

輾歸何處留得紅籠絳臈香

荆軻

燕丹計畫問田生易水悲歌壯士行嗟尔有
心謀苦拙區區死一無成

送聖民出城即事

東風堤上送行人漸出城來漸少塵柳色已
深花又落客來下馬獨傷春

西湖

沙鷺汀鷗盡日間水邊風起萬荷翻客來莫

厭重樓望樹杪欄干直對山

二

水上亭臺涼氣多扣舷倚棹唱吳歌何人為
放青蓮出剪却翻一萬荷

三

一曲清池柳岸風長苗新稻短蒲茸功名由
命何須問幸有滄浪作釣翁

別錢筠甫

倦客無眠聽曉鐘五更腸燭淚銷紅城西古

寺來何處今日分携獨向東

二

春燈欲盡曉雞啼殘月影中征馬嘶為語相逢不須喜相逢終有道分離

三

原頭綠尽柳初芽落月滿川風滿山已過寺西三十里為君回首駐征銜

偶題

屋角纖絳挂斷虹清蟬一噪起高桐天涯雲

盡見殘日林下雨餘來好風

宿錢睦甫南齋

潇洒南軒興病宜庠牀長筆碧紗緯三更月上夢初覺竹影滿窓風入衣

夜

斗柄閑珊風瑟瑟銀河錯落露森森人聲靜後幽虫急月色好時清夜深

田家

門外清流繫野舡白楊紅檜短籬邊早蝗子

里秋田淨野林蕭：八月天

又

新揜茅簷紅槿籬秋深黃葉已飛：灘頭水
闊孤舟去渡口風寒白鷺啼

謁僧不值

古寺人閑僧掩扉客來下馬解塵衣
隻松帶月風蟬噪古閣鳴鐘夕鳥歸

中秋夜酌

一片秋天碧萬尋月華初上水沉：遣愁不

用先愁醉更看清光到夜深

舟行六絕

獵：西風秋水清野荅寒州傍流生沙追水
鶴待魚立石底暗蛩先夜鳴

二

舡尾初回轉野濤波平天淨惜投竿飛：小
蝶秋花晚噴：沙禽野水閑

三

落景秋雲晚不開天寒古岫野舡回初驚波

面微潤起已覺風前細雨來

四

渡頭風雨晚生寒
簑笠漁翁坐釣舡
為問蓬中有魚否
一雙新鯁出籠鮮

五

天寒野店斷人行
晚鬣孤舟浪未平
半夜雨風驚客夢
卧聽寒雨到天明

六

渡頭烟雨歆昏天
灣畔枯桑繫客舡
風打篷

窓秋浪急一杯寒酒夜深眠

書穎州皇甫秘教書室

閑來便是日侵階
窓下棋枰林下杯
曉解扁舟又南去
百年還得幾回來

初离陳寄孫戶曹兄弟

三年流落寓於陳
一命青衫淮水濱
城北橋邊長送別
扁舟今自作行人

望淮山硤石寺
余幼年過此今十載矣

十年落泊竟何成，人事紛々幾廢興。今日扁
淮上舟去青山似，典客相迎。

題壽陽樓

渺々長淮去不休，行人獨上壽陽樓。一闌長
歌不須唱，山川都是舊時愁。闌事說于子友隴西子

又

長淮不斷水悠悠，樓下行人淮上樓。誰謂湍
前風景好，古今供作別離愁。

淮上曉望

酒醒窓明月半川，怯將病齒嗽寒泉。樓西列
有清秋色一片，淮山在曉烟。

宿南山普濟院

閃々青燈照薄帷，幽人不寐自吟詩。僧來邀
我更深坐，待聽山風到樹枝。宋景瞻和云可
肯向霜林借一枝

旱池

藕梢菱蔓綠才深，日射游魚聚畔陰。响沫已
知為計盡，渚鷗沙鷺亦何心。

檢屍詠太湖上成絕句呈劉伯声
其一

湖北風來吹曉鐘
湖追漁客閉舡篷
波光不動天光闊
更在浮烟細雨中

其二

風蕩雲容不成雪
柳偷春色故衝寒
湖邊艇子衝烟去
天畔青山隔雨看

其三

野岼北風歸客愁
浮烟不動雨

圍成野

色縈行岼點破湖光
三四鷗

其四

誰道原頭春未回
柳梢黃軟凍齊開
爭驚鴈日崢嶸盡
忽問田翁乞野姿

偃王城

萋艸悲風知幾秋
黃葉晚葉野雲愁
偃王城下樵蘇盡
猶有耕人指舊丘

自上元後閑作

閩閩接南粉署西
舊時菴柳長應齊
如冷

砧窟山縣卧聽春風百鳥啼

二

東風吹雨夜侵堦
樓角長烟曉未開
何事日
時愁意緒一番春至一番來

三

面冷春霜拂瓦乾
曉風吹雨凍闌干
柳梢黃
弱委芭破更放東君幾日寒

四

燈火人家夜不收
三更明月過南樓
風烟隨

處自能樂何事客心還獨愁

上元

五

喧々楚縣自笙歌
風捲高雲天似波
誰謂樓
前明月好月明多
處客愁多

寫情

墻外谁家蕊李開
何由花下一徘徊
先教飛
絮傳愁去却遣游絲取
蕊來

又

人閑漏永報春歸
日過簷牙夢未回
隔夜雨

飄梅蕊盡入簾風拱抑花來

題扇

越衫羅薄迎新涼扇剪青綃秋水光花前一
把羅敷手直到峯殘矜袖香

又

粵：涼月帖淮天露濕蒲梢風墮簾挑蓋艸
苗迎不至南山桂子老秋烟

淮陰

芦梢林葉雨蕭：獨卧孤舟聽楚謠生計飄

然一搔首西風沙上起歸潮

宿銅陵寺題壁

僧房秋夜月明天下馬擁裘人悄然老僧何
事六晨起清磬一聲驚客眠

將之天長題新亭壁

新亭登眺解征鞍飛鳥悠揚雲意閑誰為塵
埃無楚典故乘風雨看秋山

又

雲卷山光到眼前滿川搖落早秋天客來繫

馬成何事風雨寒窓一覺眠

過漣水

城頭落日在旗竿城外長淮水浸天左海門
前燈火盡樽榼謳軋夜深舡

春宮

團金袍 綉長靴寒食宸遊樂事奢風擺珠
簾紅幙潤滿宮春雨落梨花

效李商隱

夜深傳警報更籌霜挂月華寒未收昨夜雨

昏六日朗一番風雨一番愁

楚城曉望

鼓角凌虛雉堞牢晚天如鑑色秋毫山川搖
落霜華重風日晴明雁字高

楚橋秋莫阻雨

水滿城西釣艇橫雲豪風弱晚冥冥天寒小
店人愁雨燈暗孤舟客卧聽

遠思

裊裊霜風吹碧梧孤城殘角奏單于山川浩

蕩愁千里樓角黃昏月一梳

春詞

殘紅新綠間鞦韆寒食園林人意闌一陣春
寒蒼上起畫廊連夜雨珊

又

霄二芳園誰氏家朱門橫鎖夕陽斜鳩鳴鵲
噪間庭館尽日春風吹百花

遣興

百感摧傷強對春看花二畔獨沾巾祇應閑

目林中坐須學無言辭下人

潮水

水湍春淮自在流落蒼吹盡浪幽二總將春
雨為春泪未比思君一半愁

又

近來消息愈堪猜飛鳥無情不肯迴惟有清
淮慰人意春流日二自東來

夏日池上三首

其一

新蟬上樹空遺蛻野雀哺雛爭小虫粉沾衣
袖竹枝雨香滿水亭荷葉風

其二

落日鳴蟬夏木茺芙蓉半落柳成行何人執
扇新生恨亭館迎秋夜二涼

其三

拒霜灼灼欲破紅夜來雨落荒蘭叢室亭無
人日色午但聽梧葉驚北風

秋日即事

其一

支離卧病不知秋暑退初驚大火流蟋蟀知
時鳴近壁銀河照夜直當樓

其二

蕭條歲晚搔頭髮流落天涯忘日遊唯有醉
來心暫展無錢沽酒合長愁

其三

蕭蕭衰草傍墻生中有寒虫白日鳴物秋荒
涼禾稼熟悠遊駟馬水边行

秋雨

南山雲起滿庭陰
簾幙初涼七月深
菡子罷
枝桐葉老連綿
風雨位愁霖

又

離披衰柳已無蟬
黃葉閉門風雨天
陶令無
錢難得醉竹窓
過午枕書眠

秋夜寄遠

秋晚蕭條風露清
星河耿耿漏丁丁
祇應新月頻相見
長向玉樓東畔生

秋夜

微雲淡月夜朦朧
幽草虫鳴掛影中
不待南城吹鼓角
桐声長報五更風

張右史文集卷第二十八

絕句詩

吹角

新霞歸鳥隔山鐘
日過西山轉海空
長恨南城催曉急
五更吹角怨秋風

登乘槎亭

海天秋霧暗乘槎
風响空山浪卷沙
杳杳聲何處
客一帆衝雨暗天涯

臘

荒林堊水間
榛荆唯有青山
日對門
艸木向
陰猶帶雪
風光近
臆已如春

題宅後井
泉色正白

清泉十丈白如漿
甘似醍醐透腕涼
君欲道
中無渴死百尋操
硬莫辭長

和房日嚴換武詩

青衫厭著待封侯
慷慨知君定遠遊
莫嘆書
生長齷齪元戎曾
典報更籌

春

磔牛門外色初分
共喜釵頭彩勝新
花萼怯
寒猶積雪
鳥聲催報已知春

感春三首

一

日長殘日滴高簷
院靜人閑風度簾
可是歲
華隨日好
故應愁恨逐春添

二

冰消水面波光動
日暖樹梢花意歸
世上繁
花易零落
却應春淺勝芳菲

梅梢柳眼弄春嬌
雲暖南山臘雪消
近郭樵漁成野市
遠村簫鼓隔溪橋

荒園

荒園午日照青蕪
樹罅鳴鳩相應呼
一片陰雲送山雨
漸親新麥地青鋤

范增

君王不解據南陽
亞父從誇計策長
畢竟止秦安用楚區區
猶功五霸王

東方曼倩

軒冕功名何足為
先生聊作易農資
藻迹殊死皆鄉相
猶說才能勝滑稽

小雨

蕭蕭小雨不能收
一霎西風便似秋
枕夜席涼燈火暗
丁更漏隔南樓

孔光

鄉原世盡謂真儒
漢室傾危孰與扶
試問不言溫室木
何如休望董賢車

趙飛燕

苦心膏沐不論貧富貴人各有時直使中流
畏仙去君王何啻似嬰兒

看花

風暖日高花氣動鳴鳩乳燕自求群經營美
景還詩匠傾掃頑愁賴酒軍

題唐宋輔城上小樓

沙田小雨不成泥一帶溪光照翠微遠目直
隨殘日盡晚雲還望故山歸

近郊小徑絕人行水滿菰蒲取次生沙岸雨
來長集燕桑田深处忽聞鶯

晚歸

省學歸來門巷秋伴眠書史滿淋頭低雲漠
漠梧桐晚屏上江山亦解愁

秋

日落星稀河漢微清秋一点水螢飛涼風白
露愁光覺可待梧桐報即知

調金玉病

維摩文室自蕭然病起新涼得恣眠我愧聲
聞難問疾想君獨對散花天

又

詩將收功久戢戈羸師再鼓奈疲何想君無
物驚禪定獨未能除是此魔

蕭何

蕭公俛仰繫安危功業君王心獨知
猶遣邵平能後類君臣從古固多疑

項羽

沛公百万保咸陽自古柔仁伏暴強慷慨悲
歌君勿恨拔山蓋世故應止

李廣

李廣寸非衛霍侍孝文能鑒不能收君王未
是忘征戰何待高皇万户侯

朱雲

直言請劍斬安昌勿謂朱游只素狂君者漢
家文景業張侯能以一言止

韓信

登壇一日別群雄
鍾室倉皇念削通
能用能珠誰計策
嗟君終日愧蕭公

賈誼

賈生未免孝文疑
自古功名嘆數奇
逐得落陽年少去
白頭絳灌亦何為

楚王

效李商隱

十二巫山聳翠巒
楚王宮殿玉巔巒
既定知為雨
為雲處不似
當初夢裡看

梁冀

力回漢鼎未收功
人道將軍世上雄
不悟折腰并齧齒
百般裝束為秦宮

宋玉

雲雨朝朝峽裏興
可能無復夢中巫
娥若問誰為賦
敢乞君王道宋生

成帝

百華衣上漬餘香
夜照猶煩蚌有光
解道溫柔勝武帝
不知壯髮似元皇

女兒山

不復當年端正陽多情猶問故宮遊山川不
改繁華盡須信人生一世浮

昏

昏：落日下墻東歷：晴雲送去鴻歲晚蒼
槐甘老大盡將黃葉付秋風

謝仲閔惠友于泉

泉上多紫竹

地吉泉甘慶所鍾直疑遙與惠山通曲肱煩
暑多消盡如卧蕭：紫竹風
貧病投劾乞補外官親友問者以詩

荅之

卑如揚子官執戟貧似王川居洛陽不敢專
弓輕妄射爭如覆被逐山郎

殷浩

田野高風過有莘廟堂經畫竟無聞固應竹
馬思元子江左興亡不在君

偶成

低雲著地晚悠：雨濕簾旌不上鉤江北江
南千萬里年：長向此時愁

傷春

浮雲冉冉送春華
怯見春寒日欲斜
一夜雨聲能幾許
曉來落盡一城花

七月六日

月落暗蛩啼不休
五更白露曉悠悠
西風是處將搖落
可但梧桐獨報秋

又

積雨空階生綠衣
幽窗點點弄秋姿
黃昏樓角看新月
還是去年牛女時

元忠學士八兄來離京師遠蒙追送
許惠服丹法託故竟未惠及賦五絕
句

其一

身逐孤舟似斷雲
故人追送尚殷勤
秋城夜泊西風岫
落葉悲虫獨自聞

其二

哀折苦催空壁月
悲虫真弔短檠光
無情少壯拋人去
只有窮愁氣味長

其三

欲盜羲和一點春
五更注想隔重陰
如何但欲獨不死
分我刀圭未費君

其四

昔見將軍破虎韉
事見歐集玉堂曾共掃千言
功名老去皆蹉跌
相見諄諄勸學仙

其五

無後顛狂似少時
逢君猶自說娥眉
看玉堂旧事君休念
兩袖啼痕又送誰

詞步

枝上啼鴉巢欲成
晴簷向日乳鳩鳴
可憐霜雪餘威盡
春草無名著處生

寓楚題楊補之官舍

一辭螭陛走天涯
客路悠長老歲華
住久不知身是客
自來堂下採黃花

傷春四首

其一

曉雨催春不惜花
亂紅飄泊委泥沙
傷心憶

得年時事白髮風前只嘆嗟

其二

紅杏墻頭最可憐
膩紅嬌粉兩娟娟
曉來併逐東風盡容易
分飛又一年

其三

嫩紫妖紅惜不得
乳隨風雨點蓬蒿
荒田野草花開晚
主管春光輸尔曹

其四

高樓春盡獨驚心
白日閑雲亦自陰
風雨催

花已盡滿城新綠
亂鴉禽

三 鄉道中遇雨

蕭蕭古寺西風雨
慘慘黃昏匹馬行
未遇功名莫蹉跎
逢時更自憶平生

題南禪院壁

乞食高僧午未歸
秋庭落葉日暉暉
蕭條古寺松陰下
簷鋒風中乳鴿飛

又

秋林落葉已班班
秋日當庭尚掩關
掃榻晝

眠聽鳥語可憐身世此時閑

次韻王彥昭感秋

木落風高秋雁歸初晴
楚水漲清伊東流會
向淮南去憑寄秋來無限悲

二

年來詩酒最閑身
湍酌休論薄典醇
愁見洛陽秋夜月
無情偏照不眠人

三

塵埃容易點吳衣
澤國秋來信息稀
想見淮

南初木落秋雲秋水雁初飛

絕句

藹藹晴郊花氣浮
午窓晝睡擁馳裘
覺來鳥雀茅簷靜
屋角春風怒未休

又

照水輕明揚柳牙
隔林相映占巢鴉
東風香草城邊路
到處人家尽是蒼

又

淮上春風萬鼓鞏
落帆舟泊岸邊磯
喧：楚

市殘陽裏酤酒携魚客散歸

雨後遊宋園

綠葉陰陰護翠枝
晚花雖小亦應稀
東風不惜殘桃李
吹作春愁處處飛

酒病中寄李十二批飲

班郎握筆未封侯
嗜酒揚雄欲白頭
寂寞著書誰作伴
兩枝風葉碧梧秋

又

酒病岑岑更怯寒
一窓疎雨擁衾眠
西風一

入庭前樹便有秋
聲到枕邊

乍晴

洗來桐葉晚青
積雨闌干暗
菌生墻角半
傾苔暈合蕭蕭
風州一蛩鳴

又

虹長飲雨川無滴
萍末生風沼有波
一掃烟雲不知處
天夜如水瀉銀河

雜題

寒雨蕭蕭桐葉驚
浪浪還作夜階聲
西風忽

起幽人覺枕簟涼時向五更

又

蒼二落月井梧西睡覺幽人自卷帷只有林
鴛知夢斷曉庭人靜語移時

徐園閑步

平田小雨潤新耕曉日園林信脚行觀步楚
蕪吹面柳可憐春物總多情

又

動地春風晚未休吹花折柳却成愁塵埃不

用頻車馬獨卧氍毹正擁裘

雜詩

邾城山下毒蒼樹臘月江風好在無爭似姑
山尋綽約四時長見雪肌膚

又

病腹難經七碗茶小窓睡起日西斜負無隙
地載流李日二門前自買花

張右史文集卷第二十九

絕句詩

赴官咸平蔡河沮水泊舟宛丘皇華

亭下

怒河憑雨正奔流
踏點卑梁滯去舟
淹泊我生應有定
不須歸怨一汀溝

二

梟：悲蟬古柳風水邊
幽草已鳴蛩長河未
放羲和宿却放斜陽更向東

三

夜空如鑑碧新磨
倒影踈星亂素波
天色水光無別處
為君垂手攬銀河

春雨中偶成

廉纖小雨作春愁
吹濕長雲漫不收
架上醪醑渾著葉
眼明新見小花頭

二

槐葉青：染不如
護菓鴉語有新雛
蕭：晚雨窻鳴急
卧聽藜牀正枕書穩

三

天低芳草接浮雲
萬柳含烟翠不分
燕子歸時花編落
莫寒和雨入黃昏

四

春陰只與睡相宜
卧聽鳴禽語復飛
一饒斷香浮不散
何人深院晝薰衣

東齋雜詠

竹

裊裊：墻陰竹數竿
秋風尽日舞青鳶
平生愛

尔缘萧洒莫作封君渭上看

菊

野人齋爰屏臙腥自向堦前撷紫萸老去爰
花心轉薄一杯蔬飯足浮生

盆池

點：青萍秋後衰溶：晴日見魚兒水邊窺
影何方客自照行吟憔悴姿

老槐

雪霜未死閱年華危葉蕭：戰古槎裊：秋

風官舍冷半枝斜日帶啼鴉

皂莢

畿縣塵埃不可論故山喬木尚能存不緣去
垢須青莢自爰蒼鱗百歲根

南窗

門前塵土慵驅馬堂上文書厭坐曹只有南
窓慰人意寒灯青夜讀離騷

道榻

紙閣蘆簾小榻安一裘容易却輕寒誰驚午

枕江湖夢風落晴窓栢子乾

墻東

墻東椿老葉已盡堂下菊叢無復香長安風
埃歲已晚閉門不出馬毛長

又

歲晚長安足風土天寒官舍少女書下馬閉
門復無事壁間佛像對銅爐

凝祥

一

齋祠太一館清真望秩名山固有神斜日苑
門人不到靈風自掃石牀塵

二

已隨芳草藉盃盤更任垂柳拂馬鞍斜日雨
竿晴犢晚春波一眼去鳧寒

三

奉靈柩李已堪攀只有春風作往還園吏不
須防客到長安從古少人閑

謝人惠金沙醪醪

金沙倩麗閨中秀
醑醑即謝林下風
欲試此心無結習
西抹常守淨名翁

又

金沙豐腴合德艷
醑醑輕盈飛燕身
久無丹白應知我
齊散天香供道人

奉安神考御容入景
靈宮小臣獲覩

有感

靈風依傘繡輿深
仗外犹疑警蹕音
不是尋常遊幸日
樓前鼓吹却沾襟

又

渭上衣冠故老衰
西陵石老已莓苔
從今仗下新歌舞
長及年年獻耐來

次韻子由舍人先生
追讀迓英絕句
其一

天寒書殿曉班青
氣爽仙盤瑞露零
講罷群公珮聲散
一竿宮日轉槐庭

其二

聯翩右史直西垣
日墨螭頭點未乾
自是退

之平昔事可須慙着進矣別

其三

別佩煌：拱北辰道人風骨自軒：伏苓松
下龜鼈老須乞靈丹一粒吞

其四

恭默誰聆金玉音陶甄万物付無心君王好
意真天意憂國論思不厭深

荒園

日暖風簷翻乳燕曉寒露柳轉流鶯荒園日

日東風裏吹盡閑花香草生

東海旅夜

無酒消憂寒未減隔帷相對一燈愁虫声喚
覺五更夢風雨滿庭桐葉秋

又

蘭缸背壁影微：千里天涯客夢歸一夜海
風声不断曉來寒葉滿庭飛

寄李不危

憶昨東風吹馬啼瓦関分袂涕交揮淮陽風

物應如旧独在柯山送雁歸

曉發途中

坐無燈火夜蕭然馬上匆々未曉天直駟老
兵應笑我肯將斗粟換高眠

病起登疊嶂樓

病來久不上層臺窻有蜘蛛迳有苔多少山

味無多子祇守君家田典刑

讀仲南和詩

異時文席許論詩三載江湖讀楚詞自笑酸
寒無好語少年倉氏独相知

謝仲南和詩

曾約西湖薄主人只今湖色已知春會須多
載連車酒絕勝寒倉滿目塵

渡沙河

溶漾澄明徹底清鸕鷀慣客不相驚却疑洛

水新霜後八節滩津石柱声

題五柳亭

大夫風韻如彭澤五柳蕭森手自栽我亦扁舟倦游者登臨聊復賦归来

項城道中

塵壁蒼茫有旧題十年重見一傷悲野僧欲與論前事自說年多不復知

離京後作

一

蘋芷江邊已五年
厭聞風浪打舡舷
南風蕭艾荒涼野
時望高丘一慨然

二

水語送客渾無浪
風解留人却有情
今夜榆林繫帆宿
却從北斗望天星

三

淮畦酤酒兩三家
春去芳叢有晚花
莫道長安在天上
牛女猶有客乘槎

四

一水夷猶達汝陰
年華客意兩相侵
河邊無限青
草攬轡何人繫
此心

五

過雨陂塘處
深南風蕭艾欲成林
道邊拾穗行歌者
亦有豐年一飽心

六

高槐老柳舞南風
晴日家家蠶麥中
芟盡黃雲見原隰
却教風雨洗長空

七

燕雀翩翩夏屋深
成谿桃李已成陰
黃鶴深樹人無見
時有清風遞好音

掃

霜之高林綠實圓
清霜一洗若金懸
李衡何等相奴隸
自有高人相國賢

毒

覆釜湖邊雪罷塵
數枝林外已先春
盡將七澤清霜氣
洗出孤山綽約身

襄竟陵蓮花

景湖门外有汀洲灼灼红莲照碧流公子不
歸時節晚雨枝風葉卧清秋

袁陸羽井

寒泉井石老松根禪室幽人古像存長恨千
年無屈宋楚招難與些遺魂

冬日袁竟陵管氏梅稿

旅居澤國小園林千里相望歲暮心想見竟
陵殘雪裡新梅點雪摘垂金

二

小園林點點梅如今綽約為誰問只應新
夜清霜裏依舊橫斜倒影來

三

他日華陵跡已陳嘉辰裏曰一銷魂小園幽
徑誰相念應有新梅覓故人

復州竟陵郡有
五花山故云

華陵

四

堂下幽芳自可人北風一為屏埃塵上元簪
珥玲瓏玉却曳青霞霜女裙

瓦臺寺

諸佛蒼然照殿楹
圓光明滿自然燈
千年遺事無人問
館後高眠久屬僧

二

峨眉前約已成空
風雨蕭蕭送暮鐘
何用忘飢來問話
不如松下謁痴龍

三

世味嗟余淡莫加
更將詩句寄煙霞
自怜落筆無好事
不及揚州王謝家

過蘄澤

雄吞六國弱秦強
壯士逡巡楚水傍
耕叟不知鴻鵠志
笑覩宮室忤陳王

崇化寺

樓殿沉沉鎖夜烟
秋燈一點佛龕前
梧桐葉上三更雨
亦有愁人獨自眠

二

白髮荊州嘆滯淫
吳衣重拚落城砧
遣愁莫上高樓望
只有秋來盡日陰

三

零落宮墻官樹秋
行人東去路悠悠
祇應樓下邯鄲路
亦有離人對此愁

偶成

漫學文章弊性靈
屠龍藝就誤平生
翩然仕路新
別蓋何用揚雄強作經

贈趙簿景平

明道新墳草已春
遺風猶得見門人
定知魯國衣冠異
及戴林宗折角巾

又

絲：俗物久堪憎
愛子蕭：眉宇清
莫嘆青衫掩事業
白頭卿相死無名

自遣四首

其一

是非得失一區區
蚊蚋啾：共一壺
不學退之求羽翼
唯憑一夢到華胥

其二

誰云造化本天情
利害垂陳理甚平
莫逐衆

情生愠喜君者三四孰虧盈

其三

誰云至理宗無相大道由來
萬法兼且以聲音為佛事
曉敲清磬誦華嚴

其四

浮世榮枯理易觀不勞重取
朽龜鑽直應桃李繁華日
便把荆綦寔莫者

五秋

西風嫋々木颺々身在江湖
北岼州自古楚

人辭最好為君重賦竟陵秋

又

對酒聊同楚人醉哦詩唯聽
越聲吟洞庭北岼孤城下
落月西風聽曉鶯

晚步靈壽寺後

秋城艸樹欹萸昏微徑新晴
菜甲新便好灌園經老圃
此懷元是漢陰人

又

逢秋蘇菊尚懃懃隙地侵尋
欲過鄰便好採

花供服餌形容已似澤邊人

感秋三絕

一

秋思鄉愁兩苦辛
每臨西北望秋雲
此生更老情終在
誰為寄聲千里人

二

楚天未白轉星河
樓角先吹出塞歌
長愧侵林五更月
殷勤無計謝姮娥

三

高林敗葉已颼颼
更有寒莎翠已收
若道神仙脫情累
如何獨唱感遲秋

事見閑記

局中聽雨

秋庭聽雨斷人聲
涼入衣裾秋意生
臨水登山送歸語
憐君解有許多情

夜思

萬聲沉寤漏丁東
金井闌干上暗空
半夜西風人未覺
秋聲先報草根虫

晨起觀雨

楚鄉秋早倦炎蒸長恨梧桐不可憑
爽氣忽隨風雨至曉堂無寐獨神驚

又

中宵爽氣入襟裾
簷雨浪浪曉未收
三伏炎
敲掃除盡待教明月放清秋

近中秋

姮娥藥熟桂華新
滿貯清光待出雲
徐御冰輪行碧落
世間多少感秋人

章華

長恨章華六陋夫
周秦僅可勝登途
誰知南楚仍窮巷
骨像何妨自應圖

秋晚

日轉秋庭樹影斜
風來粉蝶勝悲茄
祇應宋玉秋來夢
常在墻東阿子家

遷居對雨有感

楚鄉風物淡悠悠
獨掩閑門客滯留
盡日無言對秋雨
相敲蕉葉各吟秋

竟陵儼今仍有小園景物頗佳

荒涼臺閣追隨事懶慢江湖放逐臣應是主
人恰寂莫傲居仍有小園春

張右史文集卷第二十九

